

入占城又自郡城西橋下舟沿海而東至永安千戶所則歷乾體高德港冠頭嶺龍潭武刁白龍珠場隴村祿村等寨地方瓊志又云儋海之西與廉境對順風一日可至據此則廉之東實與瓊之儋州相望

按倭日本國也閩浙廣東濱海常被倭夷作寇爲患明初於濱海之地置軍備守總以指揮專理海防隨又命安陸侯吳傑等往廣東訓練沿海衛所官軍又設海道副使一員以巡視焉其爲倭防亦云至矣

兵額

水陸官兵三千六百八十四員名

兵餉

年額共支銀三萬三千四百四十八兩九錢
七分九釐二毫 司餉二萬四千九百零
四兩一錢二分五釐四毫 犖餉二千兩
雷餉一百五十兩 廉府州縣餉六千三
百九十四兩八錢五分三釐八毫

以上兵餉係故明
崇禎年間舊額

國朝營制

廉州營

順治十二年恢廉設協守副將一員高雲龍
遼東人

十三年副將孫應龍山西大同宣府人分設
左右二營左營署中軍守備陳啟龍湖廣人
右營署中軍守備何永盛鳳陽人
各官兵一千共額宮兵二千員名

週歲共支俸餉銀三萬三千五百三十九兩
五錢八分八釐

順治十五年右營撥入珠場寨經制廉協改
爲一營

康熙元年副將張鎮到任山西人

康熙二年更營設鎮總兵官李永盛滿洲籍
遼東人

康熙三年總兵官張偉山東人分設三營中
營中軍遊擊安邦北京人守備馬成龍直隸
人左營遊擊劉玉遼東人守備劉允靚直隸
人右營遊擊張衡陝西人守備黨成儀陝西

人各領官兵一千統轄乾體欽州兩營遊擊各一員官兵見後又添設大觀港砲臺官兵六十員名共額官兵三千零六十一員名週歲共俸餉操賞銀五萬二千四百四十九兩七錢九分零九毫九絲六忽

康熙六年裁去左營止畱中右二營中營遊擊李化龍直隸人康熙七年中營改爲左營康熙十年移調總兵官張偉赴順德鎮守改設叅將一員總歸高雷廉鎮統轄畱額官兵

一千五百八十八員名分左右二營歲該俸
餉銀二萬四千五百九十九兩二錢三分六
釐零是年提標右營叅將潘拱宸北京人署
廉州營叅將事
中軍都司趙國斌北京人左
營守備張之英駐防府城右營守備李起鴻
駐防靈山

康熙十一年叅將胡順安慶人中軍都司馬
應秀陝西人

康熙十二年總兵許弘鎮廉州

康熙十七年總兵官佟國璽鎮廉州復設左
右中三營中營遊擊王家棟左營遊擊王鴻
儒右營遊擊袁廷芝二十二年奉裁中營以
左營遊擊兼管中軍事

康熙二十三年裁鎮設營額設廉州營經制
官兵一千零八員名內城守遊擊一員中軍
守備一員千總二員把總四員馬戰兵一百
名步戰兵二百名守兵七百名馬一百匹各
官自備馬二十疋分防合浦靈山二縣卽以

中營遊擊王家棟爲專城遊擊康熙三十五年五月內奉裁步戰兵二十六名康熙四十四年奉撥馬步戰守兵十六名調入三江協康熙三十九年城守遊擊李奕桂山東人難廕有賢聲鼎建又了義學陞福建清流營遊擊

康熙四十七年城守遊擊李光榮陝西涼州衛人任六年卒于官

康熙五十三年城守遊擊蕭起鳳湖廣黃陂

人武進士在任三年卒于官

康熙五十六年城守遊擊田可啟陝西人抵任卽與守備白友金捐俸建設義學延師課讀無論兵民子弟皆肄業其中至五十九年止裁鎮後廉營守備

邰翹宸陝西華陰人武舉康熙二十五年任卒于官

何鏐江南崑山人武進士康熙三十四年任陞四川峽邊營遊擊

楊允文江南吳江人康熙乙丑武會元康熙四十二年任存心利物卒于官人咸惜之

羅銳陝西華陰人康熙五十二年任因與遊擊蕭起鳳不合改調連陽營守備

白友金陝西臨洮府人由行伍康熙五十五年任練兵衛民而外更能禮賢下士

靈山縣自康熙二十三年奉行裁鎮設營以後係廉州營遞年輪撥千總一員防守

乾體營原係珠場寨陸營改設原額官兵一